



Broj: 03-50-1-61-8- /10

Sarajevo, 1.7.2010.

ZAPISNIK

8. sjednice Nezavisnog odbora kao nezavisnog tijela policijske strukture BiH

Sjednica je održana 1.7.2010., s početkom u 10 sati.

Sjednici su prisustvovali članovi Nezavisnog odbora: Žiko Krunić, Mato Jozić, Bakir Dautbašić, Viktor Dadić, Ljubomir Kuravica, Enes Obralića, Zijad Kadić i Stanko Nuić.

Član Odbora Dragan Savić bio je opravdano odsutan.

Sjednici su prisustvovali Alma Salkić-Mijić, koja je obavljala poslove sekretara Nezavisnog odbora, i Željko Grubešić, savjetnik u Nezavisnom odboru.

Osim članova Odbora sjednicu su pratili Christian Haupt – USAID PSP, Fatima Miletić – EUPM i Medina Delalić iz Sektora za odnose s javnošću PSBiH.

Osmu sjednicu sazvao je Žiko Krunić, predsjednik Odbora. Nakon što je konstatirao da postoji kvorum za punovažan rad, predsjednik je otvorio sjednicu.

Odbor je jednoglasno usvojio predloženi

DNEVNI RED

1. Razmatranje inicijative za izmjenu člana 59. Zakona o policijskim službenicima Bosne i Hercegovine;
2. Tekuća pitanja.

Ad.1. Razmatranje inicijative za izmjenu člana 59. Zakona o policijskim službenicima Bosne i Hercegovine

Predsjednik Odbora u uvodu o ovoj tački dnevnog reda istaknuo je da je Nezavisni odbor prilikom provođenja konkursne procedure za izbor direktora i zamjenika direktora policijskih tijela Bosne i Hercegovine uočio da je Zakonom o policijskim službenicima BiH, kojim je propisano da kandidati za rukovodioca i njegovog zamjenika moraju imati čin glavnog inspektora ili viši čin i najmanje tri godine u tom činu, velikom broju potencijalnih kandidata ograničena mogućnost kandidiranja na pozicije rukovodilaca policijskih tijela, zbog toga što

ne posjeduju čin glavnog inspektora u trajanju od tri godine. Iskustvo s konkursa koji je provodio Nezavisni odbor, na koji se za šest pozicija prijavilo 13 kandidata, govori o tome da treba otvoriti raspravu o ovom pitanju. Također, napomenuo je da je zaključak Nezavisnog odbora s 4. sjednice, održane 22.12.2009., bio da je potrebno pokrenuti inicijativu za izmjenu člana 59. Zakona o policijskim službenicima Bosne i Hercegovine.

Predsjednik Odbora otvorio je raspravu o ovoj tački dnevnog reda.

U raspravi su učestvovali svi članovi Odbora. Konstatirali su da je na više načina moguće povećati broj potencijalnih kandidata za rukovodioce i zamjenike rukovodilaca policijskih tijela. Jedna mogućnost je da se propiše da ovi kandidati moraju imati čin samostalnog inspektora uz propisivanje dodatnih uslova koje kandidati za rukovodioce i zamjenike rukovodilaca policijskih agencija moraju ispunjavati, druga mogućnost je da se ostavi čin glavnog inspektora, bez uslova da je u tom činu proveo tri godine.

Članovi Odbora konstatirali su da je, prije nego što se Odbor obrati inicijativom za izmjenu zakona, potrebno imati podatke o broju glavnih i samostalnih inspektora u BiH kako bi se mogli odlučiti o modelu izmjene Zakona.

Nezavisni odbor usvojio je sljedeći **zaključak**:

Obratiti se zahtjevom Državnoj agenciji za istrage i zaštitu, Graničnoj policiji BiH, Federalnom ministarstvu unutrašnjih poslova, Ministarstvu unutrašnjih poslova Republike Srpske i Policiji Brčko Distrikta BiH da dostave podatke o ukupnom broju radnih mjesta za koja se traži čin samostalnog i čin glavnog inspektora. Također, potrebno je tražiti podatak koliko je samostalnih inspektora i glavnih inspektora sa stečenim zvanjem pravne, kriminalističke ili druge struke sigurnosnog smjera.

Ad.2. Tekuća pitanja

Predsjednik Odbora otvorio je raspravu o ovoj tački dnevnog reda. Članovi Odbora konstatirali su da je u narednom periodu potrebno organizirati sastanak s članovima Odbora za žalbe građana i Odbora za žalbe policijskih službenika, jer je Planom rada Nezavisnog odbora za 2010. godinu predviđen takav oblik saradnje.

Sjednica je završena u 12 sati.

Sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić